

Samfala man maet hakim or openem finis nao onlaen akaunt blo yu bifo. Hem impoten fo kipim onlaen infomeson en akaunt blo yu sekiua fo priventim eniwan stilim na infomeson en identiti blo yu fo oketa no mekem slen lo hem.

Hem ya nao trifala tip fo kipim onlaen infomeson en akaunt blo yu sekiua gud:

1. **Setim ap na strong paswod** en [tufala-fakta otentikeson](#) fo mekem hem no isi fo oketa nara pipol save usim akaunts en infomeson blo yu.
2. **No foget fo log out** - no livim onlaen akaunt blo yu on taem yu no usim, espesiali na taem yu searem fon blo yu, tablet or komputa wetem oketa narawan. Disfala isi wei save helpem yu fo stopem oketa nara pipol fo usim akaunt en infomeson blo yu.
3. **Setim ap log-in alet** mekem yu save taem samfala trae fo go insaet na akaunt blo yu.

## Wanem nao strong paswod?

Paswod hem wei fo protektim infomeson blo yu en stopem oketa nara pipol fo usim na imeils blo yu, sosol midia or oketa nara onlaen akaunt. Hem samting yu mekem ap en save mekem ap lo letas, nambas, simbols or trifala evriwan.

Faefala wei fo mekem strong paswod:

1. Hem no isi fo oketa nara pipol save lo hem – Putim staka samting wea hem no konekt lo yu (osem nem blo yu or taem yu bon), hem beta.
2. Hem mas garem sixfala leta or namba (1245ABC), usim mix lo nambas, letas en spesol karaktas (Osem \$, # or &).
3. Evri akaunt blo yu mas garem difren paswod fo usim. Mekem taem samwan save lo wanfala paswod blo yu, datfala man ya bae no save usim na evri akaunt blo yu wea yu garem.
4. No searem na paswod blo yu wetem oketa nara pipol.
5. Meksua lu mas tingim Olowe!

